



24. februar 2011

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

- 1. Naalakkersuisut paasissutisseeqquneqarput, piffissami 2005 – 2010-mut inuusuttut qas-sit, illoqarfisik nunaqarfitsilluunniit qimassimanageraat inuusuttut ilinniartagaannik (GU, HTX imaluunniit HHX) aallartitsiumallutik.**
- 2. Naalakkersuisut tunngavilersorluakkamik nalilersueqquneqarput, qanoq ilinniarfinni qulaani taaneqartuni unitsitsiinnartarneq angerlarsernermut attuumassuteqarsinnaaner-soq.**
- 3. Naalakkersuisut paasissutisseeqquneqarput eqqarsaatigineqarner-soq inuusuttut ilinni-arfiinik illoqarfinni allani aallartitsisoqalersarner-soq. Tamatumunnga tunngatillugu Naa-lakkersuisut qinnuigerusuppakka pulaffigissallugu assersuutigalugu Ilulissani GU-mik pi-lersitsisoqassagalarpat aningaasartuutaasussat. Tamanna soorunami sanillersuunneqas-salluni unitsitsiinnartartut ikilissangunarnerannut.**

(Inatsisartunut ilaasortaq Niels Thomsen, Demokraatit)

Tunngavilersuut:

Demokraatit kissaatigivaat Kalaallit Nunaat imminut napatittoq. Takorluugaq taanna piviusun-ngortissagaanni piumasagaatitarivaa, inuiaqatigiittut annertuumik eqqumaffigippuk kikkut tamar-mik piginnaatitsisumik ilinniagaqarnissaat, taamaasilluta tamatta ullumerniit siuariartortitseqata-asinnaanerussagatta.

Tamatumunnga tunngatillugu pingaaruteqarluinnarpoq, inuusuttugut illoqarfinni nunaqarfinnilu meeqqat atuarfiat naammassereertillugu ilinniarnikkut ingerlariaqqinnissaminnut periarfissagis-saarnissaat. Ullumikkutut itsillugu inuusuttut amerlajaartut – nunaqarfinni 100 procentit – uki-ukillutik angerlarsimaffitsik qimattariaqartarpaat inuusuttut ilinniarfiini ilinniarumallutik. Demo-kraatit nalilerpaat, tamanna ilaatigut inuusuttut ilinniarfiini annertuumiik unitsitsiinnartarnermut peqqutaaqataasoq.



DEMOKRAATIT
DEMOKRATERNE

Tamanna tunngavigalugu Demokraatit isumaqarput, misissortariaqaripput unitsitsiinnartarneq annikillisinneqarsinnaanersoq amerlanerit illoqarfimminni imaluunniit illoqarfimminnut qanittumi ilinniarnissaminnut periarfissinneqarunik.

Ullut suliffiusut qulit iluanni apequtinnut akisutissat tingunissaat qilanaarivakka.